

Geiq Liebbyaij

□ Lij Yozvez sij Luz Yaujli hoiz

Youq gingjyau raeuz, gou dwg boux yozyenz sij sei dandog ndeu. Henz swiz gou cungj dwg sawsei. Youq baez sawqmw h diemjcaz veiswng h seiz, Liuz Feih yaucangj raeuz yawjraen gij seigauj henz swiz gou, naemj cungj mbouj naemj couh cam naeuz: “Doenghgij cihsaw ndaw diengzhaex haenx dwg mbouj dwg mwngz sij ha?”

Vunz hauxseng heiq lwed vueng h raixcaix, cungj haengj youq ndaw diengzhaex fatok gij gamjcingz gyoengqde, couhcinj dwg gij hagseng gingjyau hix mbouj laehvaih.

Gou sikhaek han naeuz: “Baugau yaucangj, gou youq ndaw diengzhaex cij sij diuz ndeu.”

Liuz Feih cam: “Diuz lawz?” Liuz Feih ngamq-ngamq diemjcaz gvaq diengzhaex, gij byauhyij ndawde gaenq geiqsug youq ndaw sim lo.

Gou naeuz: “Gwnz ciengz diuz cei q sang haenx ‘boh gou naeuz, danghnaeuz mwngz ra mbouj ndaej hong, couh gaej ma raen gou!’”

Neix dwg diuz byauhyij yungh faenjb it hoengz sij ndeu, liz sei lij gig gya e, hoeng cix dwg gij singsim ranz dou caeuq gyoengq cawjranz daengx hagdangz hagseng. Sij ndaej le, gou gag daek ei q geij ngoenz, caemh lij siengj doigawj de hawj hagdangz, dangguh vahgienq hagdangz.

Ngoenzhaenx, Liuz Feih yaucangj raeuz deng gij “seibakgangj” ndaw diengzhaex yax ndaej sim fanz ei q luenh, dingq gou gangj sat le, hujheiq dangqmaz, minghling h caebcomz hagseng daengx hagdangz. De aeu dawz doeng h bouxsij “seibakgangj” haenx baez boux baez boux rag okdaeuj, hawj gyoengqde dak ndit. Doeklaeng gyoengq hagseng ndwn buenq ngoenz lo, cij miz gou boux dog deng rag okdaeuj. Yiemzgek daeuj gangj, gou lij mbouj dwg deng rag okdaeuj, cix dwg cawjdoeng h gagnyinh hane. Yienghneix, gou bienqbaenz huqndaejhingz cei q hung baez hengzdoeng h sawqmw h diemjcaz neix. Hagdangz doi q gou gagnyinh mbouj cuengq-soeng saek di, cawzbae fad gou cingleix gij seibakgangj sojmiz gwnz ciengz diengzhaex le, lij hawj gou geiqloekhung. Couhdwg gij cawqfad yienghneix, hawj gou youq ngoenzlaeng ra hong bungzdaengz mazfanz youqgaenj raixcaix. Doeklaeng gou gag naemj, seizhaenx danghnaeuz gou yiengq daengxgyoengq canghsei seibakgangj hagdangz raeuz hagsib, mbouj gagnyinh youq gwnz ciengz diengzhaex sij sei, Liuz Feih yaucangj hix mbouj miz banhfap doi q gou baenzlawz yiengh. Gou seizhaenx gagnyinh bonjfaenh youq gwnz ciengz diengzhaex sij cih, dwg aenvih yaek hen hoh gij viyiemz doenghgij seisaw henz swiz gou, cingqmingz bonjfaenh caeuq doenghboux canghsei haenx mbouj doxdoengz. Gou couhcinj dwg youq ndaw diengzhaex sij sei, hix aeu sij ok gij vahdaezsingj lumj coenzvah “boh gou naeuz, danghnaeuz mwngz ra mbouj ndaej hong, couh gaej ma raen gou” baenzneix miz yienhsaed cuji saekcaij haenx. Famh gij loekloeng gaepdaemq cawjdoeng h gagnyinh le, gou couh deng doenghgij cihsaw gou sij haenx gyaep, caen bienqbaenz boux vunz ra mbouj ndaej hong ndeu lo.

Saehcingz dwg yiengneix, ngamqngamq bizye, gou couh camgya daengx gih sw hfaz hidungj ciu

hong gaujsi. Cuengq buengj seiz, mingzcoh gou youq ndaw buengj, caemhcai q baizmingz youq haemq gaxgonq. Dijgenj haemh gaxgonq, daxboh lau gou dijgenj mbouj gvaq, couh daengz gwnz bya mbaet ma haujlai mbawfaex, vat ma buenq gaen duzndwen, doxgyaux le, cuengq roengz ndaw gu bae baekgoen, hawj gou naenj ndaeng gwn roengzbae, de naeuz: “Yienghneix, gij bingh daepgawh mwngz couh caz mbouj ndaej okdaeuj lo.” Daxboh gou itcig ngeiz aendaep gou gawh. Lienzdaemh cib geij bi, gyoengq daegmbauq mbanj dou youq bingmoq dijgenj seiz, cungj dwg aenvih daepgawh deng rag roengzma. Yienghneix mbanj dou gaenq cib geij bi mbouj miz vunz bae dang bingh lo, vunz vujcanghbu baez dwen daengz gij hauxseng mbanj dou couh ngauz gya euj dwddwd naeuz: “Daepgawh, daep—gawh.” Gyoengqvunz mbanj wnq hix riu dou, caemhcai q an cohnoix hawj dou. Mbanj dou heuhguh Mbanjdaepvan, gyoengqvunz mbanj wnq naeuz: “Gijmaz Mbanjdaepvan, wnggai heuhguh Mbanjdaepgawh!” Hawj gyoengq hauxseng mbanj dou youq bai hrog gya euj cungj ngiengx mbouj ndaej hwnj. Youq cungj yienghsiengq neix le, daxboh gou haengjidingh yousim gou lo, de raix mbawfaex caeuq duzndwen roengz ndaw gu cai q gya raemx, yungh feizduemh baekgoen, de baekgoen gij mbawfaex caeuq duzndwen yungz bae le cij hawj gou gwn. Daxboh gou lumj canghdajcawj cingq cawj byaekfeih nei, hen youq henz cauq siujsim fugsae h, nanz mbouj nanz youh yungh beuz daek di ndeu okdaeuj cimzcimz, moix baez cimz le, cungj aeu buet okbae rieg okdaeuj. Yawj gij yienghceij de baenzneix, caj daxboh baekgoen ndaej le, gou gangj gijmaz cungj mbouj haengj gwn. Daxboh simgip lo, yaek ra faex hoenx gou, deng daxmeh gou laengz, daxmeh naeuz: “Gwn ba, di haemz neix cungj souh mbouj ndaej, lij dang gijmaz gingjaz?” Daxboh youq bangxhenz couh swnhbak naeuz: “Couh dwg lo, di haemz neix cungj souh mbouj ndaej, baenzlawz bae gaemh vunzyak?” Gou cijndaej gwn roengz dungx bae. Gou gag naemj, cijaeu hawj gou dang gingjaz, couhcinj dwg gwn……Mbouj gangj lo. Ngoenz daihng eih, gou couh bae camgya dijgenj, doeklaeng ndang gou cingqciengz dangqmaz. Daxboh buenx gou bae dijgenj le naeuz: “Mwngz yawj, lij dwg duzndwen guenjyung h, mizyauq luba.” Daengx ranz vunz cungj vuenheij raixcaix, cungj muengh ngoenz mienhsawq vaiqdi daeujdaengz. Hoeng caj daengz doeklaeng, ndaw mingzdan mienhsawq mbouj miz gou. Daengx ranz vunz cungj daej lo. Doeklaeng gou cij rox, couhdwg aenvih gou gaxgonq youq ndaw diengzhaex sij diuz byauhyij saekhoengz “boh gou naeuz, danghnaeuz mwngz ra mbouj ndaej hong, couh gaej ma raen gou” deng hagdangq geiqfadhung, gyoengde cij mbouj hawj gou bae mienhsawq.

Gou baenzbaenz mbouj fugheiq, gyoengqde mbouj hawj gou mienhsawq, gou couh bonjfaenh gag bae, gou aeu hawj sojmiz vunz cungj rox, gou dwg geijlai maenh’ ak ha. Gou mbouj rox mienhsawq lauxsae dwg bouxlawz, gou cij rox gyoengqde haengjidingh cungj dwg gingjaz. Ndigah gou siengj gou itdingh aeu hawj engqlai gingjaz cungj rox, miz



boux yozyenz gingjyau heuhguh Veiz Cunghsiengz ndeu goengfou maenh’ ak raixcaix.

Gij cingzgingj seizhaenx cungj lij baij youq dangqnaj. Ndaw daeh gou oet miz caet bet cib hot sei fatbiuj youq gwnz bauganh caeuq faenh genjliz sij ndaej sei cingz ei q noengz ndeu, haeujok gak aen gungh’ anhgiz cib yienh gih ndeu youz Ginhcwngz Si guenj haenx, youq dangqnaj haujlai vunz doisiu bonjfaenh. Mizseiz gou dawz gij sei okdaeuj gonq, mizseiz gou youh dawz gij genjliz gou okdaeuj gonq, hoeng gwnz naj gou, cwkrom gij biujcingz daxboh daxmeh gou, gij biujcingz daengx ranz dou gya youq fajnaj byom gou, lumj faj moegngeg dai q lwed ndeu nei.

Gyoengq lingjdauj gungh’ anhgiz cungj yiedcingz raixcaix, mboujlwnh dwg sei roxnaeuz genjliz, gyoengqde cungj nyinhcaen yawjdoeg, riengzlaeng, gyoengqde ca mbouj geijlai lumj doxiu nei, cungj yinx diuz roennaj engqgya ronghsag haenx hawj gou: Bae vwnzva’ gvanj.

Gyoengqde hawj gou bae vwnzva’ gvanj, lij mbouj dwg aenvih gij sei gou, cix dwg roxnyinh cijmiz gizhaenx, cijndaej yungz gij loekloeng gou luenh daz luenh sij haenx. Gou mbouj haengj bae vwnzva’ gvanj, gou mboujhaengj bae giz dei hfueng miz baenz bang vunzdaj sij haenx. Linghvaih gou euqgeuz nyinhnaeuz, baicuzsoj beij vwnzva-gvanj engq aeu yungh canghsei, canghsei youq baicuzsoj beij youq vwnzva’ gvanj engqgya mizyungh. Gou lumj boux vunzseng’ ei q gai huq nei, yunghsim raixcaix, itsim siengj aeundaej. Doeklaeng, byaij doh cib yienh gih ndeu sojmiz gungh’ anhgiz le, gou lumj boux vunzfamh ngamq ndaej cuengq okdaeuj nei, doeknai q dangqmaz. (1)